

# INUIT ATAQATIGIIT

## INATSISARTUNI



UKA 2015/155  
5. november 2015  
Múte B. Egede

**Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu naalakkersuisunut kaammattuutigaa Issittumi nunat tamalaat akornanni unammilleqatigiinnerup annertuneruleriatornerani nukittunerusumik inissisimaqqulluta Nunani avannarlerni killerni assartuinnermut pilersuinnermullu tunngasuni ungasinnerusooq isigalugu ataatsimut anguniagaqarsinanannermut periarfissat nalilersorlugit misissueqqissaarnermik suliaqaqqullugit.**

(Aallartitat siulittaasuut Lars-Emil Johansen)

Nunat Avannarliit Killiit Siunnersuisooqatigiiffianit Naalakkersuisunut misissuinissamik kaammattuut Inuit Ataqatigiinniit naatsumik imak oqaaseqarfissavarput.

Inuit Ataqatigiit isumaqarpugut nunat avannarliit killiit akunnitsinni suleqatigiilluarnerput suli nukittorsartuarutsigu tamatsinnut iluaqutissatsinnik suli annerusunik inerititaqarsinnaasugut.

Issittup nunanit tamalaanit soqutigineqaraluttuinnarnerani issittumi nunaqartuusugut ataatsimoorluta suleqatigiittariaqarpugut nunarsuarmioqatitsinnut nukittuumik inissisimanis-sarput qulakkeerumallugu. Nunat avannarliit killiit, tassaasut Savalimmiut, Island Nunarpullu Atlantikup avannaani angallaffiugaluttuinnartumi imartaqarpugut annertoorujussuarmik. Nunani taakkunani innuttaqqortoorsuunngikkaluarluta nunatta inissisimalluarnerat atorluarlugu immitsinnut siuarsaqatigiissinnaanerput periarfissarsiortuartariaqarpurput.

Unalu siunnersuut siunissami iluaqutigisinnaasatsinnik assartuinnermut pilersuinnermullu suleqatigiilluta annertusaasinnaanitsinnik misissuisoqarnissaanik imaqartoq Inuit Ataqatigiinniit taparserparput.